

大同府志

T 3149 / 4372.83
16

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1938

大同府志卷之三十一

哈佛大學漢和
圖書館珍藏印

大同府知府吳輔宏纂輯

藝文

五言律

唐 度東陁嶺 武元衡

又過鴈門北不勝南客悲三邊上巖見雙淚望鄉垂暮角

雲中戍殘陽八際旗更看飛白羽朔馬在封陁

塞上逢盧仝 劉 义

直到桑乾北逢君夜不眠上樓腰脚健懷土眼睛穿斗柄

寒垂地河流凍徹天羈魂泣相向何事有詩篇

別家後次飛狐西卽事

馬戴

遠歸從此別親愛
失天涯去國頻迴首
方秋不在家鳴蜩
聞塞路冷鴈背龍
沙西次桑乾曲洲
中見荻花

雲朔逢山友

張蠡

會面却生疑居然似夢歸
塞深行客少家遠識人稀
戰馬依山牧驚禽曳箭飛
將軍雖異禮難便脫麻衣

代北言懷

喻坦之

困馬榆關北那堪落景催
路行沙不絕風與雪兼來
草得春猶白鴻侵夏始迴
行人莫遠入戍角有餘哀

登單于臺

李士元

悔上層樓望翻成極目愁
路沿蔥嶺去河背玉關流
馬散眠沙積兵閑倚戍樓
殘陽二會角吹白旅人頭

宋李牧

司馬光

椎牛饗壯士拔距養奇才
塞馬方驚避秦金已聞來
旌旗移幕附荆棘蔓叢臺
部曲依稀在猶能話郭開

金送張安中還雲中

孫益

相送還相送臨分手重分驂
驢欣得路鴻鴈惜離羣
木落黃華露城低紫塞雲
中秋月正好千里謾思君

贈雲中劉巨濟

師拓

雲廓乾坤迥霜催草樹殘
風聲秋晚急月色夜深寒
綠綺

音誰會青霄氣自干那知燕市裏把酒得交驩

應州廟學釋奠

曹之謙

夜色齋廚肅秋風殿宇清右文逢聖代備禮引諸生牢醴

嚴三獻豆籩陳兩楹祭餘同飲福旭日樹頭明

元 過雲中

李俊民

把酒不成醉出門行路難客愁千里破歸夢五更殘三仕

有何喜一生常鮮歡恨無南去鴈為我報平安

明 早發興和

金幼孜

未曉戒嚴程鳴弓度塞城川雲隨地起野火雜星明虎旅

憲笳動鑿旗傍蹕行草青沙路軟渾覺馬蹄輕

雲中九月八日同張年兄宇川登高

韓邦靖

佳節來朝是邊寒花未開愁心看極塞鄉思上高臺對酒

霜笳咽當歌白鴈來天涯難會面風雨復相催

過鎗風嶺

黎民表

沙泥岬兩坼細路轉堪憎去馬衝風色征衣掛石棱疲兵

時偃臥古堠更陵乘賴有銷愁地雲中岳色層

宿瑞雲寺三首

王濬初

樹挂天邊月池涵水底星孤燈懸石壁一客臥虛庭根器

誰能悟皈依佛有靈朝來聞梵唄記是法華經

斗絕登危巘雲開現化城幽棲憐地僻小憇覺塵輕樹影

千章密茶烟一縷清虛堂僧入定萬籟寂無聲
秋色歸何處招提迥出塵梵雲天際杏花雨望中新說法
逢開士談詩有悟人前生愧摩詰錯認宰官身

病中登恒岳

前人

病裏籃輿出山行路渺茫雨餘溪水漲風過堊雲涼殿迥
青霄近林深碧漢長朝真壇上月空翠落天香

夜宿會仙府

前人

縹緲神仙宅何年集上真星辰留劍佩霞彩象冠紳洞月
窺人老山花對客新孱夫惟急病丹鼎問頻頻

塞上吟二首

翟鵬

落落關山曉蕭蕭朔漠秋大軍閑虎隊元帥擁貂裘雲塞
寒初動冰河咽不流沙場雄萬里殊勝酒泉遊
五原人未回傳在黑山隈鴈自龍堆過軍從虎峪來蒙恬
多將畧魏尚有邊才古昔垂芳烈子懷亦壯哉

塞上喜秋稔

前人

雷嶂稱天險霓旌滿路光驛通三晉遠城鎖五原長雞田
飛雪冷燕麥引風香邊事封初定家家泛羽觴
山川圍塞上鼓角出雲中歲練軍皆壯秋成穀自豐征人
頻醉月戍馬漫嘶風秋徼餘康阜滹沱作釣翁

尋獨覺廢寺

劉餘澤

大同府志 卷之三 藝文 四
披草問招提荒荒日欲西豈緣成獨覺應是度羣迷殿圯
餘碑蘚僧貧共野壘人天從證果去馬意悽悽

登恒山

汪承爵

雲中天下脊尤見此山尊八水俱南匯羣峯盡北蹲僊臺
臨日迥風窟護雲屯剩有搜奇興空憐前路昏

望懸空寺

前人

剡石成香地憑虛結構工梵宮依碧巘棧閣俯丹楓濤壯
磁窰雨僧寒谷口風躋攀真不易遙望意無窮

新平

魏大本

旗掩黃雲暗弓彎白日斜健兒鳴社鼓穉子奏霜笳野味

榆生肉盤食蕨吐芽尊前歌出塞豪興滿龍沙

瓦窰溝

前人

匹馬雲中路經旬迄未停空山人不住險道客偏經雪點

蒼崖白冰凝赤礪青天寒風刺面何處覓郵亭

仲秋坐崇國禪寺

郭子直

蒼茫關外路秋半已寒生樹樹見霜色山山聞水聲數家
茅結市一旅石爲營向晚霜笳起偏驚逐客情

過桑乾有感

前人

晚度桑乾水偏令百感生一官慚禮樂萬里客幽并木落
聞霜笛雲開見戍城不須愁出塞熄燧罷鳴鉦

許村古寺阻雨

楊述程

曉行山下路風雨忽蕭疎幸有空王寺堪畱勝客車水侵
苔徑滑雲去草堂虛入定僧無語禪機似告予

國朝 晚行過白登

魏象樞

泛泛征車暮搖搖北鴈過沙吹邊草急樓鎖戍雲多好夢
歸楊柳鄉心隱薜蘿千年遺漢蹟一夜轉悲歌

綉女村

前人

若箇春闈艷孤邨得命名人家春樹杪石路晚山平凍水
攀雲宿荒苗背雪生饒多兒女態兀坐不勝情

將次山陰墮馬傷足張明府施大枉顧逆旅餉酒賦

蘇林謝二首

朱彝尊

可怪乘船客今朝墮馬來半人宣武笑長路步兵哀地主
逢傾蓋天涯獨愛才淹畱憐逆旅相餉竹根杯

果見軒車至倉黃啟夕扉亦知寬禮數強起著裳衣涕淚
餘生在形容此日非遐方堅臥轍猶得藉光輝

雲中客舍曹武備自津門以筐蟹銀魚見寄賦謝二

思賢堂首

千里三沽使傾筐異味傳霜螯初入手臘月更須憐重馬
愁關吏香杭憶野田江鄉好風物罷酒數歸年

水族殊鄉至明燈夜不孤雪花寒意減玉盃近看無及厭

流匙滑宜將剩酒沾遙憐垂釣客白首向江湖

食半翅

前人

味合添雜筍羹宜配凍醪登盤人未識入肆價須高且緩
思鴉炙全勝食雉膏莫愁嘗易盡應為戒貪饕

白登遺蹟

徐化溥

平城事已矣霸跡總蕭條落日平沙淺西風古木搖共知
孤注險漫道六奇高千古青山舊長歌破寂寥

覺山井

前人

四面供寒翠一湫湧地靈何來僧錫杖誰止月澄滄素石
涵秋鑑碧欄映太清此山名覺者一汲悟常惺

銀釵嶺

前人

可憐經過處不比脫簪行妖冶偏多態委佗故墮粧翠鈿
朝露冷細草暮雲黃莫訝埋香徑蘭膏已作荒

秋暮擬送別馮訥生暫歸鴈門二首 前人

澹爾騷壇外居然古典刑不矜學是海非以說為鈴愛靜
茶烟綠讀書藜杖青汾河當日業歸且證元經

我將香一瓣誰與古為徒子佩尊高喆先生飲大巫笑言
崇矩獲衣履薄紈繡芸閣虛窻月冲然道自腴

題張氏所鑿石渠

前人

一水巨靈搃五丁孽劃流揮鞭驅石馬擐甲挽金牛莎濕

林臯茂篔高灌溉優開渠千載利奕世食先疇
望雲門山 丁大年

浮空開野望冉冉山之眉
戛遠練楚嶠媚幽姿莫笑山容野朝朝著接籬

茶幽喜雨侍佟制府集飲北臺二首
雨意餘堪賞登臺望野塿
偕髦士先憂切范公高枝布穀唱佐酒話年豐

騷鬣千峯潤蒙茸
民歌渥興言信祝零酒籌聊一借不厭子蘇亭

遊石窟寺

前人

西林天竺跡春日上方遊
金粟現鐘磬白雲悠法海知能渡何緣彼岸舟

遊石窟寺和韻 陳禹謨
靈巖第一境夙願幾多遊
花石動月印海波悠億萬恒河筏婆心渡鐵舟

一振疑千仞凭欄四望賒
圖書府藜分太乙葩魯侯時戾止芹藻盼光華

遊華嚴寺 馮雲驥
散步入招提茸茸碧草齊
初春寒未減舊雪踏成泥河抱

胡郡伯修尊經閣成恭賦
潘斗

大同府志 卷之三十一 藝文

龍沙曲山銜雉堞低梵聲聽未已殘日下林西
登應州佛宮寺塔三首
前二人

古木層層起嵯峨亦壯哉登臨望不極千里白雲來風雨
遊遐塞松杉結古臺題詩霄漢上彩筆倚徘徊
天若簷前出人同象外過川光迎旭散秋色傍城多獨立
增幽感奇懷發浩歌年來憑弔意今古復如何

玉磴朱輪直銀沙碧漢斜星宮聞夜梵月殿拂仙華塞堞
千年曲恒山一點遐舊遊如可望蓬島是吾家

雲中雜詩

俞汝言

蘇武臺安在昭君墓若何垣北秦紫塞堡近古黃河邊靖
知吟少鋒銷牧地多當時歌舞麗檀板雜瑠戈

大同道中

沈用濟

千嶺朝陰嶽三城控大同雲形隨列嶂山響應瑠弓馬踏
黃河雪鷹呼白草風飛狐那用塞天險古來通

趙武靈王墓

何士震

霸業今安在蒼涼未忍看風傳馳射獵豈是葬衣冠血食
叢臺古陵泉漉水寒一坏秋草沒昔與植雙桓

圯地峪卽景同桂刺史作

顧學潮

不辨東西路行行又一村黍頭低雨氣山意澹秋痕曹子
千金帚莊生五石樽連鑣歸去晚好共月黃昏

大同府志 卷之三
次顧明府卽景韻

桂敬順

繞澗諸峯合空明見遠村風寒秋樹影日澹午烟痕薄宦
仍如客權逢且倒樽皇華歌晚晚歸路集鴉昏

登渾源城樓

朱大章

何處寫離愁孤城獨上樓堞明千嶺雪檐壓九邊秋代馬
奔騰健關雲日夜浮從來名勝地渾水自西流

金閭官舍話雲中

高麟瑞

故關臨故國直北古雲州恒嶽千峯障桑乾一水流碑多
唐歲月山有魏陵邱若訪明妃跡年年青草愁

行次山陰口占

前人

行行陰館次風過捲黃沙烟暖鹽增竈春寒雪散花羽書
勤馬策征賦輓牛車惆悵桑乾水東流日影斜

送郎地山學博之任大同

王奇士

千里一儒官恒州路復難隆冬馳朔漠落日渡桑乾絕塞
行人少雄關立馬看春風函丈起邊地不知寒

龍泉關

吳麟

不到恒山頂安知別洞天叢祠仙樹合怪石古藤穿鐘度
一溪月龍嘘雙井泉酌來忘世味渾欲臥蒼烟

東關華嚴寺

前人

偶入招提境香臺縱目餘平林低結翠飛閣迥凌虛白社

仍攜酒黃庭好注書老僧無箇事綠野帶雲鋤
縣齋春暇援琴而操之謾成一律 前 人

獨坐西軒下悠然景色清心閒諸籟寂花午一琴橫敢謂
絃歌化聊怡山水情忘機春晝永檐鳥弄新晴

恒山十八景

張開東

不知恒岳在一徑杳冥冥澗水翻元谷磁峯鎖翠屏人依

雲作履路轉石為屨恟恍殊難測行行且復停 步雲路

孤亭不可識空翠落寒聲雪磴風微掃冰橋水暗鳴山危

緣石瘦樹老倚雲橫十里肩輿望崎嶇尙未平 翠雪亭

峭壁如屏幃懸空不著根峽迴雲臥榻天迥月窺門佛影

浮苔色鐘聲落水猿山僧真自在空外老祇園 懸空寺

山腰平敞處却指望仙臺紫氣眉間出青雲足下來空堂

常窈窕幽徑且徘徊從此升蓬島飄然更不回 望仙臺

誰來聞虎嘯到此却驚風澗唳千年鶴巖懸百丈虹孤松

無地立絕壑與天通不用肩輿力憑空指上宮 虎風口

竟入孤菴裏嶽崎未可攀纔能窺嶽頂已自隔塵寰棘苑

圍蒼樹苔階點翠斑人傳魏道士去此不知還 得一菴

拄杖看東嶺迢迢挂夕陽崖虛含五色落帶餘光倒影

銜懸壁歸雲落下方不知人世內烟水已茫茫 夕陽巖

紫霞飛不盡何處覓元君泉漱明珠佩風飄白練裙芳祠

西皓月古殿宿寒雲日夕鳴鐘磬依稀洞裏聞

紫霞洞

滉漭涵空碧虛亭有二泉屈伸元帝令甘苦道人傳屯澤

非關嶽為霖亦在淵至今觀井檻颯颯起雲烟

元武井

雲去堂仍白雲來山復青山雲無定態堂壁總空靈棧結

盤成徑巖穿罅照庭洞宮棲息靜萬籟一虛聽

白雲堂

灑灑通元氣乾坤奠此宮地凝千歲雪天散九霄風正位

陰陽谷移封造化同 聖朝釐祀典赫奕仰無窮

元靈宮

北嶽東巖頂石脂五色圖草烟分錯落松蔭雜虛無晚日

光搖炫春花錦砌鋪襄陽笑米芾拜倒不須扶

石脂圖

振衣千仞上茲臺亦有名風牽衣袖入雲觸杖頭行仙洞

層巒迥恒河一帶明憑高吟眺罷謾謾舞松聲

振衣臺

聞道紫芝好長鏡試往尋氣占林壑外香出水雲深老樹

盤根雪空山落葉陰神英十九種爭說到於今

紫芝峪

恒山張果老唐賜號通元入峪人空去騎驢跡杳然白頭

終有日丹鼎是何年我欲乘槎望逍遙列上仙

通元峪

碁局尋常見琴音却杳無清風松引和素月鶴來呼二女

容何妙孤桐韻欲枯為憐山下客碌碌老塵途

琴碁臺

仙座臨無地天峯獨自尊空心懸海島遠脉落崑崙入洞

爭先赴羣鸞喜共屯重霄笙鶴會峭壁待吾捫

集仙洞

華嶽青蓮語恒山太白祠相隨俱有跡那得竟無詩八極

九同尺志 卷之三十三 真神表千秋豈夢思殘碑銷滅盡應有再來時 太白祠

宿聚落驛 其中重霄室 會湖望古寺前 人

月暗山光寂天寒樹色遙疲車鳴石澗倦馬踏冰橋戍火
燈迎戶墟烟酒滿瓢官亭俱有備晚興倍清饒

宿山陰城 音賦杏 野風林竹味素民前來人 二丈

廣武東來路平原夕照明雲中聞數鴈天外見孤城客倦
風初定官閒酒易傾最憐圓月好相伴有餘情

過懸空寺 萊劍 鄧贊清

削壁成初地孤高綴半山風寒谷口樹雨暗磁窑灣月窟
樓三面雲根殿數間匆匆策馬去輪却老僧閒

曲廻寺和賈之鳳碑原韻 六日始消 鄧克邵

溪繞曲廻寺山陰入殿斜秋光凝白露日色映紅霞雲外
看飛錫堂前聽法華桃源迷舊路携手問僧家

偕傅竹猗明府之官應州寓淨土寺 四首 楊謨

僧舍為官解堦除草不刪無多退食地不住叩扉關嬌鳥
愜幽意長松足古斑月明鐘定後萬籟與俱閒

問俗勤耕稼田疇不種花城中多佛寺郊外少人家僧老
頻扶杖官清早放衙我來仍是客蕭散思無涯

高閣藏經處莊嚴象教雄佛言無著是師說萬緣空時發
松間磬俄聞爨後桐清音兩不雜金碧耀矐矐

淨土何年建流傳幾劫灰曇花空講座貝葉失經臺乍可
仙鳥憇奚曾蓮社開只應方外侶棲息白雲隈

題口泉圖 朱建豐

課剛過山家招邀玩物華泉飛風撲絮花暖樹韜霞愛好
從携酒真堪細品茶耽幽歸騎晚新月印汀沙

旅懷 俞治

浪跡同萍梗翻添出塞悲舊欽蘇武節重讀李陵碑白鴈
傳書迥霜笳入夢遲旅懷正無賴莫唱鷓鴣詞

黃烈婦祠 前人

一劍青衣血千秋烈婦名心懸秋日皎節凜曉霜清正氣

留臧獲泰山重死生至今風雨夜浩恨欲吞聲

雲中道上 文光

奉命雲中守 恩深未易酬兒童竹爲馬父老杖扶鳩
游牧皆安堵擺邊罷戍樓自慙循吏政不敢戀遨頭

桑乾渡 前人

源發金龍水支流滙七泉荒雲迷渡口落葉滿晴川影寫
長天碧秋澄素月圓願言勤疏濬留利灌民田

七言律

唐 塞上 黃滔

塞門關外日光微角吹單于鴈駐飛衝水路從冰解斷踰

城人到月明歸燕山臘雪銷金甲秦苑秋風脆錦衣欲吊
昭君倍惆悵漢家甥舅竟相違

贈別前蔚州契苾使君

李商隱

何年部落到陰陵奕世勤王國史稱夜掩牙旗千帳雪朝
飛羽騎一河冰兒童襁負來青塚士女壺漿出白登日晚
鷓鴣泉畔獵路人遙識郅都鷹

金遊龍山

章宗

慘嗟雲影幾千重高出塵寰迥不同金色界中兜率境碧
蓮花裏梵王宮鶴驚秋露三更月虎嘯疏林萬壑風試拂
花箋爲覓句詩成自適任非功

過渾源畱別田仲祥同知節使

朱自牧

金臺前夢杳無蹤一阻雲山莫計重雙鯉附書常不達兩
萍浮海偶相逢燕南落日車分轍代北春風酒滿鍾明日
去畱牽世務燈前談笑且從容

小景過應州

元好問

平野風埃接戍樓邊城二月似窮秋人家土屋纔容膝驛
路旃車不斷頭隨俗未甘嘗馬湏敵寒直欲御羊裘十年
紫禁烟花繞此日雲山是應州

寄鄉中故人

曹之謙

十年夢繞故山薇世事悠悠與願違華表未成遼鶴語青

大同府志 卷之三十一 藝文 三
真空羨塞鴻歸雲橫北嶺迷鄉眼塵滿西風浣客衣爲報
吾州舊親識短書相慰莫令稀

禁上韓應州

前人

天挺英雄入彀中堂堂自有古人風飛機力贊興龍業唾
手能收汗馬功四海威名方共仰一時才武更誰同潁川
不是留黃霸行拜中書作相公

元 後唐明宗廟

徐世隆

徽陵當日拯殘唐五季之間號小康因獸害田秋罷獵爲
民求主夜焚香八年功德丹青在千古明靈祭祀長欲識
此邦遺愛事廟槐人敬似甘棠

興和道中

張養浩

底事勞勞形與神道途鞍馬動經旬烟橫絕澗疑無地風
響深林似有人早發舉鞭揮霧露夜行翹首認星辰何時
却逐桑榆晚愛殺坡仙此語真

初出雲中

李溥光

吟鞭驢背穩如舟乍出巖塵眼界幽宿雨洗開千里嶂晴
雲捲出一天秋白鷗黃犢渾相識綠水青山憶舊遊莫訝
旅懷還更好道人心上本無憂

雲中卽事

于謙

日擊煙沙草帶霜天寒歲暮景蒼茫炕頭熾炭燒黃鼠馬

上彎弓射白狼
百二連營秦壁壘
五原封鎖漢封疆
邊陲無事風塵淨
坐聽笳聲送夕陽

雲中中秋感懷

郭登

南極烽煙又遠征
衣冠今夕會邊城
千家落日傷秋色
萬里歸心對月明
舞鏡彩鸞雲渺渺
隔簾霜兔杵丁丁
九霄風露涼如許
欲挽天河洗甲兵

題元魏永固陵

年富

雲中北顧是方山
永固名陵閱夜關
淑魄已消黃壤下
荒墳猶在翠微間
春深巖畔花爭放
秋盡祠前草自斑
欲弔當年何處問
古碑零落水潺湲

登鎮樓二首

前人

昔年曾此一登臨
今日重來感慨深
雲樹每遮南望目
關山空老濟時心
遙知鴈字傳蘇信
未許商巖起傅霖
欲脫牙冠賦歸去
清風明月五絃琴

樓頭凝望思悽然
蓬鬢蕭疎六十年
山勢北來雲渺渺
水聲東去草芊芊
寒鴉散亂斜陽外
荒塚高低古道邊
慰我愁腸裴太監
盃盤羅列酒如泉

寄都憲年公節鎮雲中四首

北塞風高百草秋
嚴威萬里擁貔貅
陣前親賈諸軍勇
幄內密傳衆將籌
笑洗燕然重勒石
喜看部曲盡封侯
功成

不鑄黃金像 願學鴟夷海上遊
 闔外親專節 制權擬將忠烈鎮
 雄邊子儀威 令兼諸道充
 國軍行保萬 全仗劍曉霜光
 欲耀抱弓秋月影 初弦功成
 捷奏明光殿 麟閣勲名照後先

凌晨伐鼓壁 門開投鉞專征海嶽
 摧喜見戈鋌 明日月驚
 聞號令起風 雷陣圖乍變
 龍蛇勢將佐 仍兼霍衛才
 裘帶風清鈴閣迥 黃金不負早登臺

軍門初起聲 如雷諸將堦前聽
 令迴裴度已收朝野望 孔
 明原是伯王 才長驅萬馬
 嚴邊壘坐擁雙旌上 將臺欲擬
 封侯三萬戶 時彈寶劍看三台

鎮樓秋望

王世越

瑟瑟西風吹 雨晴可憐佳節在
 邊城百年人有幾時健 一
 歲月惟今夜 明撫劍不堪傷
 往事舉杯空自惜 離情君恩
 未報頭先白 贏得轅門說老成

登鎮城西北樓二首

前人

彩雲飛過幾層簷 樓上人呼酒
 再添半壁夕陽紅影瘦 一
 鈎山色翠眉纖 我非能畫王
 摩詰誰是先憂范仲淹 遙想
 滕王舊時閣 瀟瀟暮雨捲珠簾

天邊星斗落 西簷醉倚層樓逸
 興添邊雁叫開雲漠漠 塞
 笳吹斷雨纖纖 黑貂寂莫風塵
 老紫綬淒涼歲月淹 千古

魏陵荒薺合 夕陽行色映珠簾

籌邊亭為韓都憲賦

潘

叢栢中間數 仞亭海雲山月總關情
二千部下春申客 十萬胸中老范兵
談笑已看勛業就 指麾能使鬼神驚
先憂後樂生平事 早向凌雲書姓名

登大同城樓

喬宇

東南山勢遠 皇都西北樓
高眺望孤荒 磧平沙連塞
遠片雲寒 鴈人空無長城
萬里卑秦築 文德千年仰
舜敷今日北門誰鎖鑰
文降城外盡輿圖

送胡良弼太守還雲中

劉龍

屈指元州十五春 曾於公署挹芳塵
一燈深夜花頻落 兩屐新晴草未勻
此日潁川堪入傳 當時工部已驚人
莫辭更踏關山月 會有徵書下紫宸

出使雲中作

李夢陽

黃河水遶古邊牆 河上秋風鴈幾行
客子過壕追野馬 將軍韜箭射山狼
黃塵古渡迷飛輓 白月橫空冷戰場
聞道朔方多勇畧 只今誰是郭汾陽

謁北嶽廟

王世貞

祠壇縹緲過雲孤 盼蠻英靈颯有無
象應星辰天北極 氣蟠龍虎帝神都
羞從禪代論金檢 喜向侯邦乞寶符
混闢

將何酬聖主紫芝歲歲慶神輸
送周郎中守大同

誰言春色邊城晚星使乘春颺畫熊為問馮唐淹省署何
如魏尚守雲中巖城月靜千烽出嘯閣風迴萬馬空保障
自來勤遠畧不須長劍掃崆峒

望雲中塞

幾年欲向塞門遊北渡桑乾重旅愁畫角悲涼孤館夜黃
榆搖落九邊秋壯心未擲班生筆浪迹堪憐季子裘回首
江湖任鷗鳥漫嗟華髮滯燕州

香山瑞雲寺與客共坐樹下幽禽鳴其上聽而悅之

竟不知其何為也為詩一章

王家屏

徙倚松陰暫避蒸懸
落空山淒復清客坐乍聞如有意僧家慣見不知名綠窻
鸚鵡應慚汝學得能言悞此生

春盡登香山

前人

香山兩度見春歸著屐登臨興不違石徑穿雲苔正滑林
巒著雨蕨初肥翻思歲月驚時變俯瞰塵寰慨俗非直欲
臨風披絕巘輕身高雉彩虹飛

和魏見泉化悲巖作

前人

小世滋罌宏景癖塵紛未謝尚平緣却拚家去元都近可

卜世求大道專紫塞
年來銷戍火丹崖高處隔人烟
藏修賸有雲霞窟
耻乞于公買宅錢

詠青涼山二首

郭子直

青涼山對射堂開
幾欲臨流問渡杯
祇是陽城勤撫字
非緣孟尉不追陪
盟虛鸞鶴慚逋客
望入烟雲護梵臺
雪勒春寒花事晚
只今猶及看花來

倚山臺殿景偏幽
風日宜人自可留
顧我獨慚黃綬尉
與君同醉碧霞樓
萬家春樹和烟綠
一曲陽河抱郡流
立馬城東重分手
仲宣何以答荊州

登恒山二首

王濬初

崔魏直與太清齊
翻覺星河影漸低
呼吸應知通帝座
登臨總不藉仙梯
任從天險穿雲度
豈是冬巡爲雪迷
最喜山靈却封禪
渾無玉檢共金泥

嶽岑元岳萬山宗
縹緲天門箭筈通
誰遣五丁開聖蹟
只教太乙顯神功
靈巖噓氣龍泉水
空谷傳聲虎口風
泰華高衡堪並峙
何須括地較雌雄

恒陰道中曉行望岳

前人

夜色蒼茫曉未分
殷殷鐘鼓自天聞
崔嵬石壁高齊斗
縹緲祠宮半入雲
珪璧出燕光燦爛
寶符藏趙瑞氤氳
曲陽此日方崇祀
望秩何年考舊文

桑乾道中

陳鴻

征程十里見桑乾二月誰憐尚苦寒
沃野北來邊地近流澌東下早春殘
風移竹箭穿貂帽雪作楊花點馬鞍
旅况墟頭消不盡琵琶纖指莫教彈

薄暮望雷公山

張徽

地僻林深景闐幽神祠遠在此山
陬峯頭鳥去陽光返谷口龍歸雨氣收
隱隱鐘鳴青嶂暮霏霏嵐鎖碧雲秋
平城佳致應推最何日投簪足勝遊

九日陽和臺登高

方逢時

瑟瑟千峯秋氣高登臨有客興偏豪
風前瓊玉欣雙倚天畔壺觴強自勞
花影尚能明霧眼歌聲未許薄霜毛
年年慣向龍沙醉回首金門憶賜饒

白登臺懷古

翟鵬

荒臺猶著白登名一望龍沙萬里明
尙想精兵圍漢帝翻憐奇計出陳平
雲中烟墨曾鳴鏑塞下山村有廢城
顧我臨風懷古意互笳吹徹暮雲橫

正興陽和公署

前人

誰道胸中有甲兵金城鐵甕也須營
蒙恬古蹟千年遠魏絳勲名五利宏
帳列貔貅多盛壯關屯豺虎謾縱橫
投醪仗鉞皆吾事一夜西風白髮生

柳港泛舟

前人

翩翩旌節下雲霄
沙漠河流霧氣消
座對羽觴浮蠓酒
棹隨水磨轉虹橋
星軺莅止西陲靖
風彩凌空北嶽搖
爲備五兵符在篋
伊誰橫槊任逍遙

白登臺懷古

魏大本

叠叠岡巒處處村
君王遺跡向誰論
戰場一夕圍兵解
漢壘千年故業存
流水何心悲往昔
浮雲隨意變朝昏
獨餘西北青山好
壁立金墉固塞垣

雨中登陽和臺大觀樓

劉餘澤

層霄傑閣儼丹邱
爲豁吟眸此勝遊
劍吐蓮花邀嶽色
笛吹楊柳動鄉愁
河山草樹三雲曉
烟雨樓臺萬井秋
聖主無勞西顧切
於今方叔壯新猷

雲中秋興

楊一葵

極目蒼茫望夕暉
山煙涵樹暮鐘微
壯懷不逐黃花瘦
尊酒頻看白鳥飛
玉帳威行萬里遠
綵衣愁共寸心違
銅鑊夜夜鳴荒戍
塞上秋高馬正肥

雲中感懷

段敏

月冷邊城鼓角高
一燈明滅晃塵袍
年來逝水消功業
秋入他鄉改鬢毛
報國無能慚廩餼
歸家有夢到林臯
短章吟罷渾忘寐
俯仰乾坤首重搔

題柳港池亭

韓取善

誰鑿崑流傍紫秋柳陰簫鼓汎輕舟響疑風鶴清歌放碧
洗關山宿雨收曳履三雲訝鄭簡封侯一識愧荊州賦詩
醞酒懷偏壯擊楫還過瀚海流

謁大同名宦祠

大父曾按
宣雲祠之

于重華

昔日我冠按朔方而今猶自凜風霜西臺御史乘驄地東
海于公種德堂接武有人仍憲栢忠文到處是庚桑宮牆
一席真千載瞻仰流風日月長

題釋迦塔

曾韜

八瓏峻碧倚蒼穹海宇浮屠第一工百畝址基旋地軸六

層鈴古弄天風觀瞻迥出烟雲外登賞翻從殿腹中幾欲
壯懷發豪興借爲文筆寫長空

興烈過遼沙節度墓

翁應祥

憑高弔古立風前相國先朝事宛然墓有殘碑埋宿草寺
畱遺跡鎖村烟從龍作雨知何日歸鶴乘風又幾年俯仰
滄桑千古是好將消息問山川

秋暮登高有懷

朱雨山

名失
考

露冷天高萬里秋孤城獨坐對山樓寒塘四野飛鳧雁旭
日千村散馬牛紫塞尙畱秦雉堞白登誰益漢戈矛雲中
自古邊垣極夜夜霜笳瀚海頭

渾源漫興

石玠

散盡閑雲看好山
較來平地十分寬
半年匹馬三關外
一夜微霜兩鬢間
大火行空無薄暑
西風吹客有餘寒
來朝又過桑乾道
羞見前村倦鳥還

得勝堡市場

李杜

吹笛關山落日隈
幾年曾此得登台
天王有道邊城靜
相先謀市馬開
萬騎雲屯星斗暗
三秋霜冷結旄回
一從輿版歸疆索
幕下空餘草檄才

張遊元都觀

徐琮

東郊旭日影蒼涼
步入蓬萊迥異常
松護瑤窗晴拂翠
飛璫圃草生香朝
真羽客騎元鶴奏
樂仙童咏紫鳳冠
葢追遊歸去晚
烟霞携得滿羅裳

柳港泛舟

吳亮

日磧黃沙曲水通
招携暫許過城東
迎風柳眼千條綠
向日葵心一半紅
見說雲旄來塞下
况逢佳節麗天中
沐蘭偏喜孤踪合
肯負樽前酒不空

池亭讌和

徐克讓

輕輿軟徑破烟蕪
新雨纔過綠湛湖
小坐恍呈濠水趣
細遊猶閱輞川圖
獨慙白雪先題壁
深喜青雲共接途
沙塞一官殊不俗
教人六月坐冰壺

秋日飲乾樓

吳伯興

危樓坐倚暑猶寒，千仞高墉絕壁盤。
山繞塞垣分隊出，樹開營壘接郊寬。
鏡歌風轉邊庭靜，槎客星移幕府看。
乘興誇雄吾作賦，談兵誰是舊登壇。

題柳港寺

朱允鱗

柳寺城南日午鐘，浮圖映帶九芙蓉。
蓮開上界金長湧，蜃結虛樓雲半封。
雙樹摩空枝借鶴，六時翻貝鉢歸龍。
慈航彼岸迷烟雨，香散蘋花入座穠。

秋興四首

王嗣續

搖落清秋萬壑哀，蕭條北向望龍堆。
風來枚嶺迷烟合，月上榆關寶鏡開。
雲裏雙雕隨箭下，天邊候鴈拂霜迴。
匣中古劍塵埋久，夜夜精光徹斗台。

飛狐嶺上暗黃雲，趙霸岡前見馬羣。
名將子孫皆錦袴，芳時樓閣總紅裙。
城頭旆影晴朝見，柝裡秋聲靜夜聞。
版築金湯千載績，土人每誦郭將軍。

北嶽巖巖鎮此邦，平明山色滿晴窗。
秋防戰士擐金甲，日暮材官醉玉缸。
扼塞總因專闔壯，銷兵應為築城降。
可憐仗鉞王司馬，懷遠安邊古少雙。

晉陽西北枕邊頭，云是當年古冀州。
曾為烽塵饒士馬，近因通市靖戈矛。
藏山春雨程嬰廟，汾水秋風漢武舟。
一線

黃河臨廣漠不知何以恃無憂
上蔡中丞
高壁

早從經濟識兵機遠為朝廷布德成功業滿書麟閣上笑
談坐解蔡州圍風清白羽閒看扇香溢紅雲御賜衣簡在
帝心勞亦久只今虛席待公歸

咏七峯山

王汝濂

平沙漠漠翠屏開勝日邀權結駟來峯矗似凝珠斗列巖
虛疑抱玉泉迴響傳空谷風生洞影亂斜陽鳥下臺獨惜
王喬飛鳥去雙鳧雲斷重低徊

遊覆宿山

郭登庸

雨霽登登石逕分滿身嵐氣鬱氣氲蒼巖古樹高天近平
野孤城落日曛燕冀豪華傷寂寞乾坤時事慨紛紜僊人
每話山中樂畱我東峯臥白雲

過書堂巖為金進士曹先生隱居講學處

陳棐

先生樂處孔顏尋舊有書堂聽好音已是文章成甲第况
兼理學耀泉林辭官彭澤羞升斗講道河汾契本心仰止
那堪悲異代歌殘梁木氣森森

上盤驛阻雨

許銳

山徑崎嶇轉上盤俄經一雨送輕寒千峯似笠愁難合萬

六同府志 卷之三
頃如酥惜易乾
湏急簷牙垂玉箔
滴殘松頂綴珠丸
今春漫道風沙惡
明日來甦笑眼看

過桑乾河

張達

幾年不渡桑乾水
今日重來二月中
萬里洪濤如舊湧
一川積凍未全融
浮槎謾擬張騫興
悲路何憐阮籍窮
我已無心問津吏
閑來風浪看蒼穹

國朝

送李谷愚明府之廣靈

施閔章

素交眼底獨推君
古道文章迥不羣
家傍清江心共許
人當燕市手重分
馬蹄曉踏白登雪
雉堞晴看紫塞雲
聞近襄陵多美酒
不妨賓主共論文

登應州木塔

曹溶

域內浮圖盡得名
崢嶸獨此運斤成
層樓不敵飛輪巧
鷲嶺偏移畫棟輕
晝寂爐香歸藻井
春晴花雨下金莖
徘徊悟得無生理
身在烟霄象外行

上元後五日本塔寺重遊

前人

臨邊淨域喜重登
春氣熏人健短藤
妙諦本難求色相
禪宮何以託崢嶸
倒啣鐵鳳風中鐸
遍放金鰲午夜燈
曾在恒峰舒醉眼
秋毫百里見觚稜

寄懷左翼宸先生

魏象樞

古貌古心接太初
先生久與世情疏
霜寒北嶽人無夢
雪

滿金城飯有蔬絕代行藏三徑菊百年貧病一牀書吾鄉
咫尺高山在欲見無由托鯉魚

甲申闖寇陷兩鎮雲鎮衛撫軍朱兵憲宣鎮朱撫軍
死之前人

高懸節鉞鎖重闔就義從容報國身關塞千金收死士京
華一臂失儒臣正當首鼠行蛇日不愧攀龍附鳳人三老
忠魂稱鼎足好將生氣護楓宸

甲申闖寇陷兩鎮李生若葵姚生時中死之

前人

二城三烈相傳久更有書生義並聞泮上衣冠懸白日樓

德遐敷鎮奠方古樂人思虞典禮殘碑苔蝕漢文章披雲
盤曲琴臺外舍策低回貝闕傍殿角晴搖紅日近松根晚
挹紫芝香暫遊靈境緣非易欲買青山夢未忘玉檢金泥
藏秘室碧桃瑤草發孤芳谷深冷貯千年雪巖迥寒飛大
月霜動地雄風生虎口臨空仄徑勝羊腸輿圖東接幽燕
遠氣勢西吞代朔長飛石謫傳嗟往歲為霖仰賴潤邊疆
何時携取油囊酒來會羣仙之羽觴

五言絕

國朝 重遊懸空寺

魏象樞

溪聲接梵音石竇封瑤草我尋舊日僧山門猶未掃

太白山

馮如京

太白立羣峯大都窺巒嶺長松四時秋陰崖萬古雪

雲中道士

邵嗣堯

曲折山城道龍鍾病裏身征夫問前路一日不逢人

送盛郎之大同二首

吳 雯

雪北風寒別筵不知曙梅花此地深何事雲中去

勿惜醉愁看長短亭如何別犬遠不待柳條青

靈邱雜詠八首

岳宏譽

來何遑去時亦太早新巢接舊巢相見殊草草

無牡丹芍藥種絕 嘉朝時紅牖縵不減牡丹花

桃葉渡頭秋雨繁喜君書到黃昏銀濤白馬來胷口破

帽疲驢出鴈門江左清華性汝在文章流別幾人存曹公

橫槩懸相待共醉飛狐雪夜

賦慈老

并序

徐化溥

塞上一種似鴈非鴈借鴈名來本草云慈老或言見于

升菴集然字書不遠攷箸修喙翎毛風來颯颯殊爲

可觀鄰人雷氏買以伺夜越邊翮而羈之每露下風廻

之候啼叫淒哀楚我心曲語以道林故事俗人笑而

不答良可悲也張曲江曰今我遊冥冥弋者何所慕斯

一言愈足佩矣漫賦一弔

夢破家山繞舊蘿哀鳴切切叫雲阿蘇卿去國還鄉晚支
 遁開籠失路多九月霜繁身帶雪五更鐘斷淚成沱可憐
 翰羽彫零甚難伴飛鴻遠塞過
 興雲橋二首
 前
 城頭鼓角動寒光東跨河流星影長戰後沙平黃鵠斷濤
 回秋老水犀僵標銅漢使開南圖畧營平壯古湟一自
 雙虹垂遠岸石梁長鎖萬年疆

萬雉巖巖俯石鼉誰教一蟻潰
 波輿臺授指羣材屈
 鼓鳩工衆力多沙磧臨風飛鐵騎
 柳堤映月走金梭
 濤分遠漲寒流靜漢武空勞瓠子歌

大勝甸

前人

沙磧鄰鄰塞草零孤城東望戰場平
 從來鐵甲兼黃石謾道泥丸杜紫荆
 萬折蒼山蛇陣遠一天霜羽鶴風驚曠懷
 往事歛歛久何處霜笳起暮聲

雲岡佛閣

王度

聳峯危閣與天齊俯瞰塵寰處處低
 億萬化身開絕嶂三千法界作丹梯
 乾坤再闢雷初奮海岳重光月指迷
 我欲凌虛朝玉陛好從靈鷲問金泥

遊恒山

前人

方岳時巡昉帝虞恒山不盡我
 皇圖曲陽大茂疑今古

飛石靈泉事有無
萬仞晴光開隻眼
千巖爽氣掖雙鳧
低回大禮維天柱
望祀還須 睿聖謨

陽和署中新秋

南洙源

簾捲新晴見月華
銀河淺淡影初斜
老梧搖葉寒風細
哀鴈穿雲去路賒
才愧歐陽羞作賦
心同宋玉但思家
閑階扶杖清宵立
萬木蕭蕭引暮笳

石佛寺

王儀

千仞孤峯百尺樓
雲天高並兩悠悠
西秦風雨當軒夢
北魏烟嵐半偈收
更有寒山支介石
豈無輪海泛虛舟
遠鷗獨立坡沙淺
分得尋常幾點秋

興雲橋二首

馮雲驤

百尺飛梁駕古壘
嵯峨鐵柱砥驚波
沉來白馬沙堤古
跨去青羊異跡多
兩岸松杉分野色
五更濤浪走雷梭
何人一采芙蓉贈
徙倚聊爲白石歌

倚欄縹緲俯流光
鞭石飛來雲臥長
水樹萬年靈鵲集
風雷一夜老蛟僵
戍烟遙捲奔濤壯
沙月孤懸倒影黃
形勝古今終不改
金繩玉柱鞏邊疆

恒嶽詩二十二首

前八

嵯峨恒嶽倚長空
珠樹玲瓏繞玉宮
白鶴彩鸞紛照耀
朱霞飛雨落空濛
仙亭泉瀑三天雨
虎谷松吟萬壑風
回首

塞垣看不極沙場縹緲一歸鴻
石壇瑤草接谿榭紫閣神樓對曉霞何處空林聞浩嘯更
看香水泛胡麻燒金羽客調元鶴採藥山童飼白鴉一枕
松風仙夢遠人間迴首夕陽斜

白雲堂下雨絲絲我欲長鑱學采芝玉洞春深花發後石
樓秋冷月來時空山寂歷堪聞道獨立蒼茫合詠詩讀罷
殘碑天又晚歸來跨鹿夜遲遲

望仙亭上喚羣仙鶴駕龍車更儼然萬里邊風吹夜月連
山松影插遙天當年曾授金光草此日長歌白石篇忽訝
雲霞生左右輕身碧落好飛鸞

急雨驚雷大壑秋飛蛟挾霧起啾啾乍聞天樂飄金瓦時
有神燈掛石樓嶮嶮萬年拔地軸威尊千里奠雲州我來
長嘯耽奇勝扣劍飄蕭此壯遊

驚看大地莽徘徊此日登臨萬古臺不盡塞雲鴻鴈度無
邊秋色大河來平臨畫壁開靈府下望黃沙舊戰垓仙樹
流雲紛蕩漾何人彩筆倚雄材

紫芝谷口芝田老幽徑苔斑草半荒怪石滿崖風颯颯野
雲無路水湯湯樵斤半伐遙天碧僧杖平分夕照黃我欲
求仙尋大藥誅茅此地構閒堂

銀沙杳眇白龍蟠舊雪陰風六月寒錦石千盤迴爛熳穠

九同所志 卷之三
花萬樹倚琅玕燈光閃閃明虛壁僧話嘈嘈隔急湍賴有
靈文畱我讀好從古洞發奇觀

翠雪亭前疑海濤萬松風起掣飛鼇孤懸杖履愁難立揮
手星辰欲並高殘碣讀來愁漉滅洞蕭吹罷倚清豪平生
不淺奮飛志萬里何當駕羽毛

村叻賽罷望靈旗燭影花旛縹緲時仙去萬年傳白蝠神
歸五夜駕青螭虛堂香霧霏霏續石洞流雲裊裊垂更有
琴臺蹤跡在老僧指點至今疑

威靈岳廟震飛鐘天垓珠樓十二重曲徑幽蘭垂雨露當
門老木傲秋冬山魃_似眼衣蘿笑毛女紅顏採藥逢徙倚

已將塵世隔高歌直欲扣長松

逍遙曳杖踏雲行到此羈愁一望輕金殿松杉畱慘淡玉
泉沙石映空明長歌石上秋風急踞坐峯頭海日生誰向
齊州辨九點曠觀天地莽縱橫

黑帝祠前太古壇無邊秋色下青鸞靈文時有風雲起丹
竈空畱日月寒落落長松垂積翠蕭蕭神草長闌干竦身
忽訝天都近北斗光芒掛袖看

玉塞龍堆擁大荒獨看元岳鎮遐方危峯過鴈來秋色萬
里黃沙散夕陽勾注迢迢野望迥桑乾縹緲水雲蒼只今
禹跡依然在寶篆威文闕古牆

奇峯削壁倚嵯峨詞客孤筇此日過燕壁多年沉瑞玉趙
符古地問干戈危崖急雨飛流折大壑清秋落木多朔野
從來爭戰地獨教靈境敞雲蘿

茅庵老衲解棲遲手種青松成古枝峽險風來天欲立瀑
高雨過月看垂參禪自合依元谷辟穀還堪餌石脂習靜
幾年人不到夢回蕉鹿已多時

曾聞仙客此休糧玉竈金泥鍊夕陽一自元都雲鶴返至
今古洞藥苗香石泉晶晶朝光動楓葉蕭蕭夜色涼萬壑
風聲吹未歇常疑天樂度琅琅

十年回首塵中夢此日蕭疎拜洞天石鏡月華明玉戶翠
屏霞影照仙田方池不涸龜存壽老木長春鶴記年手弄

金鵝還一笑臨風朗誦古芝篇

長風不斷捲清寒欲借仙琴試一彈深洞雲泉松籟勁遙
天花雨鶴翎殘碧簫紫閣春縹緲絳雪元臺路渺漫閒倚
夕陽巖上樹高垂松栢影丸丸

飛樓古殿做陰陰清夜高秋試一臨白鳥棲枝雲淡蕩黑
熊歸館日蕭森看山此日開奇夢弔古應爲發苦吟漢武
產靈可處問霜華寒葉滿疎林

浩浩奇懷壯悵望一峯數峯爭晦晴翠崖丹壑紛改色瀑
自古澗各爲聲冷暑幾年聊幽探塵事終許謝浮名獨夜

古祠更清肅隔林月出野猿鳴
萬仞岩堯俯塞垣連山千里拱兒孫奔雲突兀猿狖嘯古
壁豁訝虎豹蹲老木蒼蒼圍野廟桃花冉冉自孤村更知
北帝威靈肅父老秋風拜石門

恒山紀事二首 前 人

虛堂神鬼此躩踞元岳盤桓認斷碑誰使曲陽紛祭祀從
教漢武錯旌旗金泥玉檢千秋典錦樹仙臺萬古奇一自
秩宗釐正後翠華縹緲望邊陲

仙郎一疏奏明光天上金書賁朔方遂令名山新大典長
留靈氣護巖疆花幡翼翼紅雲近芝草翻翻白日長誰是

登高能賦者好從古地勒鴻章

三雲感舊 前 人

黃雲如旆掛城頭不斷陰風紫塞秋落落殘碑沉野路蕭
蕭衰葉響沙洲清霜如夢金蠶冷淡月無情玉枕愁腸斷
縱橫百戰後古魂縹緲聚荒邱

雲中秋日八首 前 人

霜風昨夜感秋聲獨客徘徊驚旅情黃柳幾枝臨古道白
沙十里繞孤城野猿坐嘯殘霞迥烟鳥低飛落日輕疎散
欲將人事絕閒心吾已謝時名

浩浩驚沙四野來彎弓夜上李陵臺寒花滿地清霜重飛

大同府志 卷之三
草粘天畫角哀
賽罷神燈明
雀瓦戰餘鬼火照
龍堆百年
詞客重過此
弔古長歌獨馬廻

大漠蒼茫望轉迷
無邊衰草野雲低
孤臺突兀聞猿嘯
怪石縱橫印虎蹄
寂寂青山看近遠
飛飛紅葉自東西
古王尚有遺宮在
瑤瑟銀箏盡土泥

錦帳貂裘紫橐駝
將軍射獵過渾河
幾聲蘆管悲風起
十丈紅旗秋色多
手解繚鷹臨大漠
目追野馬踏山阿
昔年此地曾征戍
指點沉沙認斷戈

李牧祠堂接鴈門
青山萬仞古臺尊
龍蛇古壁秋雲暗
劍戟虛廊夜月昏
千載風烟銷舊壘
異時松柏老孤根
迢遙

玉塞憑高望
過客還來薦野蘼

秋陰慘澹菊花黃
遊子登高望故鄉
獨夜清霜驚旅夢
山城明月搗寒裳
好閒不用憐貧病
任達從來愛酒狂
極目平原天地迥
碧雲鴻鴈兩茫茫

曾識平城古戰場
沙田無數列牛羊
松枝撼撼凝烟黑
鳥語啾啾落月黃
邊塞昔時勤將帥
山川異代感興亡
哀歌未斷秋風起
徙倚頻看鴈影長

世事空憐去日多
酒酣白眼一悲歌
徘徊秋色誰能那
寥落孤心近若何
蕭蕭斷鴻迷古塞
飄飄殘蝶戀寒柯
浮雲富貴無須問
欲訪南山舊薜蘿

重至大同

顧絳

頻年落落事孤征每到邊原一寄情
馬跡未能追穆后虎頭空自相班生
風吹白草桑乾岸月照黃沙盛樂城
忽見丹青意惆悵君看曹霸重才名

桑乾野漲

沈會霖

一官無日不征鞍野色蕭蕭畫影殘
地是中原關吏撤天仍荒塞暮烟寒
雨繞山半先成霰水至春還始下灘
但聽濤聲心已折那堪羸馬渡桑乾

遊覺山寺

宋起鳳

空山古刹是何年野老相傳北魏前
世遠已無棲佛閣鶴來猶有養僧田
千年塔韻虛鈴鐸萬壑雷聲滾瀑泉
坐久天風吹欲去漫將濁酒壯行鞭

遊覺山寺觀杏二首

何士震

大覺名山北魏題同人逸興試攀躋
峯回疊嶂嵐光合澗落深巖谷口迷
旛影靜時紅杏出旃香飄處白雲齊
千年遺跡堪凭眺塔井徘徊日已西

古刹盤桓歷廢興閒尋老衲問傳燈
三千界已歸何有五
百僧曾得幾能清
磬松濤聞秘密孤筇花雨見峻嶒
試看爛熳林間樹隔斷紅塵便上層

送張仲若大司馬開府雲中二首
梁清標

元戎小隊擁雙旌貴相星同上將明玉笛晚吹青海戍秋
霜先下受降城逍遙叔子看裘帶譚笑希文有甲兵莫道
封侯論骨相如今軍旅仗書生

虎符佩出未央宮兩袖翩翩識素風饗士轅門沉畫角行
邊俠少避青駿尙書履接星辰近太乙光連海嶽雄紫塞
卽看閒斥堠須知魏尙在雲中

登律呂祠懷鳳凰山古蹟

桂敬順

蒼祠高倚鳳山巔有客穿雲不問禪自古登臨凡幾輩祇
今絃誦想當年長風彷彿蘇門嘯靈竇疑通太白泉却笑
農人強解事扶藜指點說神仙

己卯冬日奉使恒岳留別桂介軒刺史

秦大士

輶軒塞草路蒼茫忽接神君話故鄉千里歲寒歡執手五
年江表記登堂岳靈禱應隨車雨谷暖春迴蔽野棠異政
已看書上考慚無遷筆傳循良

大同

史正義

往蹟茫茫未盡湮撫今追昔獨傷神六卿專國三分晉萬
里為城二世秦捩下馬嘶懷伯樂渡頭水涸弔津人誰憐
冀北飄零客又見明妃塚草新

大同懷古

張五典

勢抱重關控極邊漢家亭障舊相連中郎使節蘇卿老太
守聲施魏尚賢秋到白登山沒雪春深青塚草生煙何人
識得銅牌鹿應記元封出塞年

秋日登佛宮寺木塔二首

吳炯

木塔峻嶒造化工振衣絕頂俯飛鴻渾河近湧秋濤白恒
岳遙啣日影紅雲漢人題遼代石桑榆僧指晉王宮荒沉
舊蹟依稀在木黍西風梵刹雄

赤磧黃砂幾變遷凭欄眺望渺無邊雲中城郭千家雨代
北牛羊萬壑烟隱躍塵辰高可摘悠揚鐘磬響空懸竒觀
峻興前朝字剝落塵埃騰紀年

辛卯春暮大同郡齋同王柏崖作

團昇

花飛草長竟何曾節候邊關迥莫應已暖寒威重瑟縮未
風雲氣蚤膾騰更無大澤尋蘇武膾有荒臺說李陵我自
鄉思消不得阿誰扶杖一同登

登大同城

前人

沙磧橫飛日色曛昔年中外此區分巖花澗草幾經見春
燕秋鴻都罕聞勝蹟尙傳遼太后威名誰念李將軍悶來
聞倚城頭立千里鄉關空暮雲

雲岡寺二首

胡天游

萬三千寺無遺跡片石崔嵬影尙留紺髮寶支開絕壁銀

雲涼瓦自高樓疎鐘帶月搖清寒雙樹含風入早秋劫換
塵移人世改諸天定裡不知愁

寺門紅透夕陽西一片灘聲送馬蹄野客定難攜屐到山
禽猶自戀人啼安禪未穩身將老絕塞經過意欲迷拂掠
翠微吟興在珊珊鞭影逐風低

鎮樓秋眺

吳麟

郡城西北有高樓此日登臨爽氣浮四望河山連朔漠一
天風露倚清秋邊疆自昔營中重則壤於今黍稷稠烟火
萬家民俗厚愧無三異繼中牟

雷公山謁潤濟侯廟

前人

輕雷起處古龍湫山勢盤盤接武周花發野壇烟正煖波
涵老樹翠環流荒碑篆筆何年記沛雨靈風盡日浮塞北
由來叨潤濟故應岳瀆視公侯

自太師莊抵三十里舖

李廷儀

一帶山垣儼畫圖採樵絕壁野人呼沙明兩岸河流細風
捲長堤樹影枯僧背夕陽歸古寺鳥隨殘葉下平蕪馬蹄
蹀躞歸來晚却望城樓夜月孤

始至大同贈吳冲菴太守

張開東

治廉循最數吳公京國山川右翊雄地向南江浮彩鷁天
迴北嶽照花驄羸秦蒼莽開邊郡元魏蕭條問故宮每爲

游人勞顧盼輕車今得人雲中

九日登雲岡

劉卓

雲中已是絕人攀况復雲岡山上山玉宇肅清鷹奮遠元
霜搗盡鴈飛還曇飄花雨香初散石琢阿羅髻帶斑強欲
登高來絕頂不堪回首望鄉關

書黃烈婦吳氏傳後

前夫人

千古黃家節烈門肯將一死答夫恩使君有婦徒相逼賤
妾何聊得苟存芳魂不隨剛刃朽撮抔難洩覆盆冤至今
紫塞淒涼月猶照當年碧血痕

三皇墓

李養本

浩劫還餘尺土封雲車羽駕問荒蹤鴻濛頓闢三才位渾
噩從開萬古胸白草黃沙埋斷瓦孤村寒樹背高墉圖經
指點傳疑處落日烟霏咽暮鐘

王家園觀杏花

邢纘祖

杏花深處幾家村繡野層層密蔭屯夾岸紅雲遮柳眼封
條白雪妬梅魂西巖雨氣迷芳徑十里河光漾錦痕絕塞
謾嗟春色少昔人曾此播靈根

壺泉寺

宋玉瑞

翠結蓮峯擁紺園玲瓏歎薄澹壺源苔涵草色平鋪野雲
番嵐輝遠到門魚鳥親人濠濮想菰蒲夾岸水烟痕忘機

証徹空明影擬共山僧物外論

中秋讌集載月軒拈韻偕同人作
錢平棨

萬斛珠光杯底來天風扶我上瑤臺
九霄鸞鶴笙吹起四塞山河鏡湧開
清嘯幾聲秋莽邊高寒無際影徘徊
人間此夕霓裳詠定有仙雲五色裁

應州官署贈蔣濟之赴天鎮
前人

壯歲辭家萬里遊車輪馬足更扁舟
携來瘴雨蠻烟夢併入榆關紫塞秋
濟之由粵抵晉九月邊城飛朔雪中宵官閣冷征裘聞君又向桑乾北咫尺離踪兩地愁

鴈門關外口占
宋梅

鴈門關外路悠悠
輾轉風塵去未休
萬里空濛渾似海
三戾颯爽鎮如秋
荒原白草添新恨
落日黃雲記古愁
不醉金波山店酒
教人無計客并州

秋日雲中
前人

浩浩平沙首藉肥
朔風騷屑透征衣
秋涼罷逐殘蟬噪
秋涼形如蟬差大聲
慈老爭隨候鴈飛
慈老似鴈非鴈偕鴈往來廢壘荒雲亦如蟬差促

得歸
迷古堞離亭衰柳送斜暉
城頭畫角聲悲壯
正美蓴鱸未

邊墻
前人

邊墻一望景蕭條
萬里無痕天沈寥
人在他鄉愁易動
山

九同府志 卷之三十三 詩文 三
含宿雨翠難描清秋鴈陣傳書迥隔院砧聲入夢遙懷抱
欲開開未得潘郎那免鬢刁騷

簡恒山院長韓璞園

楊謨

枕經藉史荷陶鎔負笈真誇錦繡重弟子由來汾水派先
生本是泰山宗堂開嶽色歡移榼座滿春風待叩鐘更有
主人青眼在不妨老矣尙孤踪

出鴈門

朱建豐

匝月遄征迭往還驅車又出鴈門關雲橫仍爾凝樓碧林
醉添多落葉斑挾纈寒催砧杵急納禾秋報暖農閒更餘
絕勝經過處泥濘愁深暮雨潺

入鴈門時
方阻雨

雲中道上

俞治

萬里邊城擁朔垓長風晴捲暮雲開羣山陡向龍堆落驛
騎飛從鴈塞來夜雨暗滋青塚草寒烟愁鎖白登臺無端
亦作并州客賈島詩成首重回

郡齋卽事

前人

南薰細細隔簾生午夢初回客思清獨譜楸枰消永晝閒
刪詩稿坐深更雲中六月全無暑塞外終朝不易晴

抵雲
三月

無日不
風雨

涼意滿天侵瘦骨夾衣先覺未秋輕

郡齋秋夜

前人

寒蟬昔昔鴈年年孤館殘燈耳不眠官廨析聲催五夜鎮

樓刁斗靖三邊鄉心易動臨風杵客夢難圓苦雨天越鳥
羈棲終未穩擁衾愁待曉鐘傳

雲中郡試

御衙日永綠成陰多士如雲盡鄧林孔思周情通脉脉班
香宋艷息深深公門桃李他年事藥籠參苓此日心莫以
冬烘迷五色欲傳衣鉢到而今

中秋夜郡齋讌集

秋色平分問素娥郡齋讌集夜如何袁宏渚上清光滿庾
亮樓中逸興多接座賓朋逢大戶登場絃索度新歌莫辭
銀箭催殘漏且醉瓊酥金叵羅

黃烈婦祠二首

前一人

使君漁色扇淫風下體閨房節操同畢命霜刀驚野鴨埋
窀夜壑弔秋虫當堦草色含愁綠接座花枝帶恨紅應有
貞魂長太息靈旗搖颺月瞳朧

古屋豐碑烈婦祠青衣更不愧鬚眉名垂地老天荒後春
憶紅殘翠碎時冉冉雲軒歸月姊珊珊環珮馭風姨
朝雅重冰霜操會見恩綸降玉墀

初莅應州有作

陸元鼎

清風薄宦寄遐方萬里邊城古塞鄉地僻真堪容我拙年
豐猶喜見民康神遊玉壘雲生采夢憶河陽花正芳馳逐

風塵懷往蹟旬宣何以媿甘棠
五言排律

唐 恒岳晨望有懷

李元復

五儀均四序五嶽分九州靈造良難測神功匪易酬恒山
北臨岱秀嶠東跨幽瀕洞鎮河朔嵯峨冠嵩邱禋祠彰舊
典壇廟列平疇古樹侵雲密飛泉界道流從官叨佐理銜
命奉珍饈薦玉申誠效鏘金諒有由郊原照初日林薄委
徂秋寒近風聲厲川長霧氣收他鄉饒感激歸望切祈求
景福如光願私門當復侯

金 謁北嶽

趙秉文

四大神儀一羣山大茂尊奠方荒奠宅視禮配天孫西送

虞淵莫東瞻碣石瞰寶符臨代郡鐵甕扼并門控趙襟形

壯環燕氣象渾九河探禹跡萬里叫虞魂在昔登封始前

驅羽衛繁千官駢部曲萬騎隘山樊卜地恒陽曲移祠泰

始元荒碑刊歲月飛石重柴燔帝秩加黃屋宮居象紫垣

雲楣朽芝瑞雨砌裂槐根天業恢宏大山靈翊衛屯雲烟

浮近甸日月遶中原秩謁天香重封題御署存銀鏐諸產

富電雨萬靈奔神聽歆嘉德天聰納正言許身徒稷契無

術補羲軒帝籙長桑洞仙巖張果村卜居如可近重整北

山轅

元 送仲常遊北岳

劉 因

大茂元都闕它山拱萬靈風霆凜神化河海盡襟形昂畢
空留影幽并未了青追封王制變列祀禮禋馨禮樂心雖
切烟霞骨有銘長懷七十戶爲我謝仙局

明 寄王侍御塞上

謝 榛

君王重簡命爾志在寅清節鉞分西顧風寒護北征羽旗
風外合驄馬雪中行直渡桑乾水還臨驃騎營九關多猛
士百戰有長城夜半仍傳檄天寒未解兵黑山橫寶劍青
海動金鉦獨仗安邊策兼收抗疏名虛心當國事高議見
儒生壯歲思銘鼎空言陋請纓乘秋凌朔氣計日答皇情

應遣龍庭使馳書到玉京

題鎮城西北樓

李 柄

重鎮臨元岳名城正朔宮危樓峙西北飛棟接穹窿日湧
神尔現天開大漠空黃河遙浩淼灑水近冲澗百雉旌旗
肅三關鼓角通睥睨千騎整磴道九達同自昔嚴刁斗累
朝息戰功堠烽分障謐貔虎備邊雄坐運陳平策時頒魏
絳鐘憑欄舒灑興飲御咏和衷地互金湯固門扃鎖鑰崇
壯猷方叔在膚頌頌元公

國朝 雲岡寺讌集

曹 溶

邀客坐平沙塞陰半雪花梅檀羅十寺磬梵幻二車堤柳

飄金梵風毛印玉砂野清圍列騎徑曲隱吹笳石鼓喧霄
 漢冰泉礪齒牙法幢隨霧雨寶座卽捨符佛國遊堪借軍
 容靜不譁遙天開帟幕中席進琵琶鼎沸親煎茗盤空映
 削瓜興餘攀鐵鎖深處乞胡麻醒酒穿林麓貪懽置網罟
 鏘聲鳴餓虎牙影散秋蛇未礙西來法聊舒遠放嗟古今
 人孰在銘刻意徒奢水遶孤城直山分大漠斜要荒齊奉
 版駝馬各歸家境勝酬官冷閒多緩髻華敝裘親襲黻彩
 筆付蒹葭當軾懸捎兔移燈照晚鴉碧雲猶徙倚不信出
 塵踪

題吳石亭明府春遊口泉圖

鄧克謙

邊方儲勝地政暇騁遊觀載酒來三異尋春得二難巖腰
 泉倒掛谷口樹橫攢嫩綠帷青嶂輕紅映碧湍紆迴穿徑
 窈轉折入林寬躡屐登煙岫披襟坐石巒花香侵綺席浪
 影漾雕鞍檢韻咸抽思擎盃各盡歡勤民詢父老愛士集
 衣冠澗曲停車處欣從畫上看

登恒岳

白維世

冀北開名岳紆盤鴈塞東星精占昴畢易象叶雷風舜典
 冬巡重皇王秩祀隆參天摩斗極拔地闢鴻濛奠定撐河
 海明威等華嵩千峯皆拱伏萬壑自流通縹緲雲梯近參
 差廟貌崇洞畱仙蹟異巖映夕陽紅虎口颺常發龍泉味

大同府志 卷之三
不同石脂圖爛熳靈穴氣冲融笙鶴鳴霄漢琴臺倚顥穹
蒼松枝鬱鬱古栢葉葱葱蘚潔滋甘露蘿懸掛采虹紫芝
香霧靄神草翠烟籠採藥依芳谷尋花轉茂叢登臨舒夙
願嘯傲達幽衷度險途彌曲升高徑屢蒙雲深聞吠犬嶺
峻怯飛鴻極目仍懷古高吟欲撼空代符藏隱約燕壁顯
玲瓏寶籙徵宏景仙經補石公未逢青眼客旋遇白頭翁
指點桃源路鋪成造化功試看回首處華月正朦朧

七言排律

國朝 恒山

史正義

疊巘層巒接太行重華輯瑞此山陽元樞上應居坤位恒

德遐敷鎮冀方古樂人思虞典禮殘碑苔蝕漢文章披雲
盤曲琴臺外舍策低回貝闕傍殿角晴搖紅日近松根晚
挹紫芝香暫遊靈境緣非易欲買青山夢未忘玉檢金泥
藏秘室碧桃瑤草發孤芳谷深冷貯千年雪巖迥寒飛六
月霜動地雄風生虎口臨空仄徑勝羊腸輿圖東接幽燕
遠氣勢西吞代朔長飛石譌傳嗟往歲爲霖仰賴潤邊疆
何時携取油囊酒來會羣仙之羽觴

五言絕

國朝 重遊懸空寺

魏象樞

溪聲接梵音石竇封瑤草我尋舊日僧山門猶未掃

太白山

馮如京

太白立羣峯天都窺峭嶮長松四時秋陰崖萬古雪

雲中道上

邵嗣堯

曲折山城道龍鍾病裏身征夫問前路一日不逢人

送盛郎之大同一首

吳雯

雪北風寒別筵不知曙梅花此地深何事雲中去

勿惜醉愁看長短亭如何別太遠不待柳條青

靈邱雜詠八首

岳宏譽

不何遲去時亦太早新巢接舊巢相見殊草草

牡丹芍藥種絕嘉開時紅爛熳不減牡丹花

開青青初見柳桃花並李花總在穀雨後

多顏色倍常好能為百日紅令我開懷抱

月時亦見雪花白何但深山冰六月厚千尺

地花臺山雨後摘雲中近五臺餘馨滿山澤

多穴居雞棲反升屋牛羊住上窰人在下窰宿

枝頭結酸酸亦可憐兒童著意採不忍道旁捐

靈邱卽事五絕

何士震

春暮臨荒臺瞥見新草色離人三月心躑躅還嘆息

江南楊柳枝春風繫行客塞北惟槎枒穀雨穉始白

占歲喜春晴此地偏宜雪願得雪盈尺糲糜飽稚耄

有花亦無香芍藥遂奇絕馥馥翻堦時多是天中節
男歲不製衣女歲不組織堵墅六月三傾囊售百億

鳳山書院十二詠

并序

八二民心觀國桂敬順

書院前明州人孫司務聰所建蹟廢已久谿石猶存然
撫今追往流風自在又不繫乎蹟之存亡也爰賦詩以

述著名之意

鳳來山中鳴鳳去山以寂不見亭中人斜陽挂蘿壁

鳳鳴亭

飛鳥破山色空翠墮巖雨杳然聞磬聲松檐竄蒼鼠

翠微樓

明月在天上流光輝我軒捲簾坐遙夜所得是無言

得月軒

讀書秋圃問秋心屏閒慮黃蝶漫相過香在無花處

秋香圃

鑿石構石室幽函悶前筆白雲垂孤巖秋光照古漆

藏書窟

古洞白雲封山月東巖起松籟和樵歌琴聲在流水

鼓琴洞

昔人聊寄興人去有餘情葉侈空臺響猶疑落子聲

奕棋臺

山居復釣溪無餌亦可喜游魚乃竊聽先生讀莊子

釣魚磯

碧竇何瓊瓏塵跡屏齷齪乃笑箕山姿枉被巢由濁

碧水竇

彩雲如處子顏色常新鮮將毋媧黃氏煉石留空烟

彩雲巖

碧波隱紅鱗可見不可得曾傍臨池人鯁問漬餘黑

金魚塘

蓮性亦何芳花殘葉自香從君製衣服不肯蓋鴛鴦

瑞蓮池

恒山詩十二首

張五典

水月搖戒壇嵐烟浮坐具徧地金蓮花依依拱扶住

懸空寺

版屋跨溪流水磨自迴轉秋漲來無時山南築石堰

澗水

上有千仞岡下有百尺澗行人出復沒冰雪連雲棧

盤道

仙人在何許可望不可即行行采茯苓相見會相識

望仙亭

清曉入山來支筇此延佇傍夜雨冥冥人歸把兩炬

虎風口

泛泛青瑤流滴殘色未改日暮五百年掬食亦可待

石脂圖

但來對空枰與度千百劫迴看四山中穠花復黃葉

琴棋臺

空響本無樹樵斧霜林外聞根近已斷入耳祇天籟

空響樹

安禪老衲子雪巖做石竇木客解吟詩寒燈許來就

護門草

共說無常住飛去挾風雷移文試相問何日又飛來

飛石窟

山頭過片雲殘日翳復吐樵子暮歸來方知山下雨

夕陽嶺

欲問通元谷悵望白雲岑細路荆榛合澹然少足音

通元谷

春暮府庠讀文徵明石刻長句會遊東郭即景賦詩

因集字為一絕

邢纘祖

晚雨千林濕春濤萬頃明遠山雲半隱宛轉隔層城

春深風雨時澗流浸萬壑我欲身遊處青山盤雲落

宿綉女村

宋梅

征途倦行役一抹晚山痕借問宿何處前村綉女村

白登懷古二首

文光

振衣小白登落日前山暮欲覓漢高圍茫茫墮烟霧

興廢前朝事臺荒鹿苑空惟餘衰草白懷古意何窮

興七言絕

唐 渡桑乾河 日暮山蒼煙色昏 橫看成嶺側成峰 不識廬山真面目 只緣身在此山中 但使願無違 此心終不移 雍陶

南客豈曾諳塞北 年年唯見鴈飛回 今朝忽渡桑乾水 不似身來似夢來 賈島

渡桑乾河 賈島

客舍并州已十霜 歸心日夜憶咸陽 無端更渡桑乾水 却望并州是故鄉 胡曾

摩笄山 胡曾

春草綿綿代日低 山邊立馬看摩笄 黃鶯也解追前事 來向夫人死處啼 王庭筠

金 八月十五日過泥河見鴈 王庭筠

家在孤雲落照間 行人已上鴈門關 憑君為報平安信 才 是雲中第一山 劉從益

西京道中 劉從益

碧梧斜影落匡牀 白葛烏巾滿意涼 宴坐不知紅日晚 筭 輿歸路麥花香 蔡松年

西京道中 蔡松年

來時綠水稻如鍼 歸日青梢沒鶴深 莫忘共山買田約 藕 花相間柳陰陰 史肅

山陰縣 史肅

湧雲驅雨不成霖
山徑危行未要深
午夢初回鳥鳥樂
小亭斜日柳陰陰

來報過鴈門關二絕

元好問

雞聲未動發南樓
澗水隨人向北流
欲望讀書山遠近
鴈門關上懶回頭

稜層石磴倚高梯
穹谷無人綠樹齊
總爲古來征戍苦
宿雲常傍塞垣低

題金鳳井

前人

此地曾云海眼開
古今人喜暢奇哉
料應丹穴相穿透
飛出摩天金鳳來

題龍泉寺

前人

遠渠寒溜夜潺潺
說有蛟龍在此間
可惜九天霖雨物
一泓何事伴僧閑

三岡四鎮

前人

南北東西俱有名
三岡四鎮護金城
古來險阻邊陲地
威鎮遐方萬里驚

沙陀晚行

曹之謙

野曠天晴落日黃
西風衰草白茫茫
臨邊四望行人絕
惟見孤雲逐鴈行

自題小齋

發

陋室從堪陋巷居寄情吾亦愛吾廬看山破費工夫外一
炷青香著易書

元雲中暮雨西風涼草白四段成已

古壘雲藏一徑微河山依舊昔人非貪徵往古興亡事不
覺城頭雨濕衣

題李晉王墓二國四難李俊民

雄名凜凜震沙陀為國功深奈老何多少三垂岡上恨伶
人那進百年歌

明雙化嶺王達善

樺樹亭亭立澗隈兩僧遺跡已成灰夜深風響巖前葉疑

是雙筇步月來

渡桑乾

前人

三月清冰潔似銀黃沙兩岸不知津可憐一片無情地水

亦年年解渡人

春暮石牆堦送別

岳可

客裏攜樽坐水涯竹籬茅舍兩三家春光莫道邊城少也

有沙堤幾樹花

西巖寺南園

朱統鯨

寶地新開一徑斜橫窓修竹映桃花攜壺自汲東林水玉

碗閒烹綠乳茶

題南堂寺

左 鉉

南堂福地足遨遊佳此烟霞勢利休
自高僧辭去後空餘餽篋野花秋

雲中守歲

前 入

守歲雲中剪燭花坐殘更漏興猶賒
土牛明日開華節春滿雲中十萬家

行邊

方日乾

山城禾稼萬家秋豐葦斜陽飽臥牛
野老不愁烽燧警預修春耜理春疇

國朝 望應州塔

魏象樞

十里烟雲一望通浮圖如削挿長空
何年種得菩提子幻出金蓮大地中

題大同觀音寺梅二首

徐化溥

誰把羅浮向此移清芬禪味兩相宜
便當攜手趙松雪來訪中峯百韻詩

晚涼軍持灌玉芳蚤傳春信到禪房
絕塵應少繁花色入定偏來自在香

千穗穀

杜登春

紅酣紫斲鬪芳辰千穗名傳穀粒勻
剪去作羹柔滑甚秋來何必更思尊

大同府志 卷之三
琴棋臺

劉仕偉

琴棋臺畔已榛荒
琴韻棋聲兩渺茫
羅列諸峰鳴澗水
枰布置五絃傍

復至下華嚴寺

前人

城上寒鴉入暮曛
萬家烟火氣絪縕
歸來仍到華嚴寺
帶得方山一片雲

太白祠

鄧贊清

磁窰峽口影迷離
太白仙祠枕碧溪
為拂壯觀崖上字
曠懷知與白雲齊

將抵大同途次口占

宋梅

路入雲中似仰梯
望天無際馬頻嘶
分明望裏前山峻
及至前山山又低

守歲吟

朱建豐

歲守華燈廿載前
編蟬蠹舊因緣
當筵為溯重來迹
屈指雲中又十年

金城元夕二首

錢棨

蒲桃香泛夜光杯
簾幙春燈新樣裁
疑是珠宮擎蕊勝
有人題柱月中來

麴塵細細蹴金堤
賽女蠻童小隊齊
春信江南何處好
今宵忽度鴈門西

過桑乾渡

俞治

三晉雲山北向多十年浪迹度沙陀自憐南國孤飛鴈又
到桑乾渡口河

雲中九日

重陽時節好題糕客裏逢場亦自豪縱目雲中山第一望
鄉臺上未為高

大同府志卷之三十一終

大同府志卷之三十二

大同府知府吳輔宏纂輯

雜志

昔劉向錄西京事文無前後之次故稱雜記厥後雜纂
雜俎雜錄雜編之作轉相祖述非盡小說者流也夫稗
官委巷言近怪迂細碎而稱說風俗君子亦時有取焉
唐封氏見聞記志人物地里而終之以雜事余因博采
眾說以資叢談備洽聞其文見正史而無所附類者並
綴於篇為雜志

維元祀巡守四岳壇四奧沉四海封十有二山肇十有二

州樂正定樂名冬祀幽都宏山貢兩伯之樂焉北岳冬伯之樂舞齊落其歌聲比小謠名曰縵縵和伯之樂舞

其歌聲比中謠尚書大傳

漢文帝自代還有良馬九匹浮雲赤電絕羣逸驃紫鸞驪

綠螭驄龍子麟駒絕塵號九逸西京雜記

鴈門范隆與上黨朱紀友善嘗共紀遊山見一父老於窮

澗之濱父老曰二公何為在此范隆等拜之仰視則不

見後仕劉元海並封公晉書

并代人喜嗜麪切以吳刀淘以洛酒漆斗貯之擊鼓集老

大幼自以多寡取之至飽河東備錄

李賀以歌詩謁韓吏部時為國子博士分司送客歸極困

門人呈卷解帶旋讀之首篇鴈門太守行曰黑雲壓城

城欲摧甲光向日金鱗開却授帶命邀之讀書隅見

宋淳化二年命畢士安為翰林學士士安以父名又林抗

章引避朝議謂二名不偏諱不聽宋史

靈邱陸萬友始業圻饒既貴達不忘本以銀為圻饒器數

十事示子孫厚德錄

蘇東坡守定州得石於恒山黑質白章狀如雪浪鑿石盆

為芙蓉形以盛之刻銘於上今在定州文廟前恒嶽志

金初製國字立學官於西京納合椿年與諸部兒童俱入

學最號警悟久之選諸學生送京師俾上京教授耶魯

教之金史

大定四年正月戊子上謂侍臣曰秦王宗翰有功於國何

乃無嗣皆未知所對上曰朕嘗聞宗翰在西京坑殺千

人得非其報耶金史

中貴可思不花奏採金銀役夫及種田西域與栽蒲萄戶

帝令於西京宣德徙萬餘戶充之耶律楚材曰先帝遺

詔山後民質樸無異國人緩急可用不宜輕動今將征

河南請無殘民以給此役帝可其奏元史

代王之母邳人也先是太祖嘗戰敗而奔投王母家王母

曰汝朱某耶人言汝當為天子也因畱之宿及旦辭去

王母曰吾後有娠何如帝乃貽敝梳為質王母亦以匣

中裝贈行自是果娠及太祖卽位子且長矣王母攜其

子及質物上謁帝令工部草創水字居之不令入宮及

代府既成遂分封焉故王卒得終養其母踰於常制剪勝

野聞

張德輝元裕之李治游封龍山時人號為龍山三老元詩序

正德十一年應州奏捷上降敕總督軍務威武大將軍總

兵官朱壽有功宜特加公爵制下舉朝大駭孤樹哀談

朱俊格靈邱王聰漏子善屬文聚書數萬卷尤好古篆籀

墨蹟手摹六十餘種勒石名崇理帖世宗時獻王儲明
 堂二頌興獻帝后挽歌賜金帛著天津集若干卷列朝詩序
 鴈北歸必銜蘆越關則輸之淮南子以為鴈愛氣力銜蘆
 以避矰繳俗傳以為過海投蘆為桴以息氣力或云輸
 蘆以供稅供稅之說誕矣過海為桴之說何秋來獨無
 而春始蘆耶蘆避矰繳之說不知來時何以為避且使
 上林射鴈蘆何能避耶予考鴈從風而飛春夏南風故
 北飛秋冬朔風故南飛秋冬過南食肥體重故借蘆以
 助風力耳塞北風高則無事此故投於鴈門關姑識之

推蓬
寤語

大同失總兵官所佩征西前將軍印職方請給新印鄭端
 簡時為主事白郎中總兵印文柳葉篆請改印文或稱
 別將軍或增減其字恐原印有獲之者有事行文奏報
 真偽不可辨誤事非小往年胡忠安公在禮部失行禮
 部之印改鑄行禮部印此在內衙門尚然况邊鎮兵權
 乎郎中不以爲然鄭曉
今言
 西陵董氏少玉麻城周宏禴之繼室也宏禴字元孚抗疏
 兩遭貶謫間關萬里少玉皆共之貶鴈門阨於靈邱廣
 昌間三日不火食僮僕皆悲泣少玉哦詩自如年二十
 有九羸卒嘗笑謂元孚曰妾幸而為君婦得少知詩亦

不幸而為君婦即有一二佳句而人必以為出君手王

元美序其詩稿列朝詩序

嘉禾曹秋岳溶備兵陽和時嘗至昭君墓墓無草木遠而

望之冥濛作黛色古云青塚良然墓前石案刻蒙古書

先生考釋最詳揭數紙歸

北嶽有五別名蘭臺府列女宮華陽臺紫臺太乙宮釋家

謂之青峯埤道家謂之總元洞天太乙洞天金城福地

山一名大茂山又名神尖山括地志

北嶽恒山在大同府渾源州天涯崆峒二山為副岳神姓

晨諱粵主世界江淮河海兼四足負荷之類五岳真形圖

恒山有草名神護置之門上每夜叱人神農本草

恒山有太元之泉神草一十九種服之可度世輿地覽

恒山有蛇名曰率然一身兩頭擊其一則一頭至擊其中

則兩頭俱至孫武子

太祖還代京次于恒嶺親登山頂撫慰新民適遇黃門侍

郎崔元伯扶老母登嶺太祖嘉之賜以牛米因詔諸從

人不能自進者給以車牛魏書

真定人楊洪裕少時嘗漁於貂裘陂忽有馳騎至者以二

石燕投洪裕一翼掩左一翼掩右曰北嶽使者也言訖

忽不見是年生後周太祖楊淑妃明年生太尉廷璋家

遂昌盛

宋史

山陰縣忠州故城西北隅有石大如屏厚三寸色如肝細

文每石鳴則風起上有草書模糊莫辨縣民殷某以甃

臥炕夜有聲如吼懼而昇還原所覆以小祠祀風神

舊府志

志

山陰縣辛寨村南龍王廟有芍藥一叢每歲開花十五莖

色各不同僧折其一將供佛花隨手萎俄而故處復開

一花人咸異之傳為龍王神芍云

舊府志

廣靈人李某凌虐其母一日牧牛山中龍攫而去有頃自

空擲下骨肉如泥見者駭焉

廣靈縣志

鄧雲峯者不知何代人常採藥靈邱之南山往來有年樵

牧時遇之與語無他奇一日尸解去遂於其地建寺名

鄧峯

靈邱縣志

靈邱北有聖佛崖洞谷幽邃人跡罕至村民即壽奎擔薪

過此見二叟對弈洞口狀甚古因畱觀少頃歸則茅舍

已墟比鄰皆非故識計其時蓋閱數世矣遂棄家雲遊

不知所終

靈邱縣志

太白山每陰晦時常見雲翳中樓閣岩堯儼如廣利隱隱

有無杳不可即土人謂之天堂寺

靈邱縣志

明宣德二年冬有馮姓採樵於益山見三仙弈於泉西之

石坪一衣黃一綠一紅丰采神異旁觀良久一仙曰而
可速去不聞爛柯事乎歸報爾守此地多建祠宇爲神
仙遊息之地馮歸報守急往視遙見三仙跨鶴鹿而起
今石上足跡猶存

天鎮縣志

明永樂間有農婦患乳三年將死適有老僧踵門乞食家
人叱斥之僧曰患乳者不欲生乎何叱醫者家人急延
入請方曰搗黃瓜根覆患處卽愈家人進取錢米酬之
已不知所往後婦果愈壽至九十八事載平湖陸浦塞
霜集陸之先人嘗官於州云

渾源州志

天鎮縣真武廟碑相傳嘗捍衛攻城至今碑陰猶有砲子

痕

天鎮縣志

順治八年天鎮上下陰山二村界有赤光從天入地土人
發之得碧石一塊形如紗帽上有蝌蚪文人莫能識今

存上陰山龍王廟

天鎮縣志

太祖田于白登山見熊將數子顧謂冠軍于栗磻曰卿勇
幹如此寧能搏之乎對曰天地之性人爲貴若搏之不
勝豈不虛斃一壯士自可驅致御前坐而致之尋皆擒

獲

魏書

太宗出遊於白登之東北內將軍都將元幹以騎從有雙
鷗飛鳴於上太宗命左右射莫能中幹自請射之以二

箭下雙鷗太宗嘉之賜御馬弓矢金帶以旌其能軍中號雙鷗都將魏書

太和元年十月南部尚書鄧宗慶奏民李飛王顯前詣京

南山採藥到遊越谷南嶺下見青碧石柱數百枚長者

一匹相接而上或方一尺二寸或方一尺方楞悉就請

付作曹採用奏可時人神異之魏書

天興中儀曹郎董謐獻服食仙經數十篇於是置仙人博

士立仙坊煮鍊石藥封西山以供其薪蒸魏書

高允年九十八被召在方山作頌志氣猶不多損談說舊

事了無所遺魏書

宋使劉纘指方山曰此山去燕然遠近主客令李安世曰

亦猶石頭之與番禺耳魏書

太宗嘗獵於灑南乘冰而濟冰陷沒馬王洛兒投水奉太

宗出岸水沒洛兒殆將凍死太宗解衣以賜之魏書

朱文公嘗與客談世俗風水之說因曰冀州好一風水雲

中諸山來龍也代山嶽者青龍也華山白虎也嵩山案也

淮南諸山案外山也賓退錄

魯元侯結從者百餘騎迎中山仇洛齊於桑乾河是後魏

朝貴送迎以桑乾河為限也魏書

魏出帝時楊遵彥就鴈門溫湯療疾棄衣冠於水濱若自

沉者變易姓名自稱劉士安入嵩山又東入田橫島以講誦為業海隅謂之劉先生北齊書

延昌三年秋恒州上言白登山有銀鑛八石得銀七兩錫

三百餘斤其色潔白有踰上品詔置銀冶常令採鑄魏書

姚天福仕懷仁為縣吏元世祖以太弟駐白登山公從縣以

進蒲萄酒見而奇之留待宿衛李本魯神姚公神道碑

明嘉靖間上用北嶽芝草真定守臣求於曲陽縣恒山不

獲上言古北嶽在山西大同府渾源州請下彼處求之

乃勅守臣登岳廟齋宿祭告果得真芝十二本狀如雲

錦宋茵採取元芝記

予為中山守始食北嶽松膏為天下冠其木理堅密瘠而

不瘁信植物之英烈也蘇軾偃松屏贊

代出狐白之皮裘應陰陽之變六月而一見管子

昔者靈邱文人之養蜂也園有廬廬有守剗木以為蜂之

宮其置也疎密有行新舊有次坐有方牖有鄉視其生

息調其暄寒以鞏其架構如其生發蕃則析之寡則哀

之不使有二王也去其蛛蝨蚍蜉彌其土蜂蠅豹夏無

烈日冬不凝澌飄風吹而不搖淋雨沃而不漬其取蜜

也分其羸而已矣不竭其力也丈人於是出口而收

其利郁離子

康熙四十六年陽曲縣民高宏化等勾黨叩闕指稱太原等處有金銀銅礦是年九月戶部會同山西巡撫布政司赴應州開挖無驗奉

旨將高宏化議罪發落礦洞永行封塞應州續志

山西地寒六月初旬五臺嶺頭澗底層冰積雪皚皚尙衣

薄棉陳伯安兵備代州言北上鴈門至應州歷雲中更

寒然煖木實產其間此陰中陽也陸深燕閒錄

高宗興安元年詔有司爲石像令如帝身旣成顏上足下

各有黑石冥同帝體上下黑子論者以爲純誠所致魏書

大定間上幸西京州縣官入見猛安謀克不得隨班右諫

議大夫移刺子敬奏軍民一體合令猛安謀克隨入見

上嘉納之金史

方士祁織奏改代爲萬年司徒崔浩議曰昔太祖道武皇

帝應天受命開拓洪業諸所制置無不循古以始封代

土後稱爲魏故代魏兼用猶彼殷商國家積德著在國

史當享萬億不待假名以爲益也織之所聞皆非正義

世祖從之魏書

王肅曾於省中詠悲平城詩云悲平城驅馬入雲中陰山

常晦雪荒松無罷風彭城王勰甚嗟其美欲使肅更詠

乃失語云王公吟詠情性聲律殊佳可便爲誦悲彭城

詩肅因戲勰云何意悲平城為悲彭城也勰有慙色祖
 瑩在座卽云所有悲彭城王公自未見耳肅云可為誦
 之瑩應聲云悲彭城楚歌四面起屍積石梁亭血流雖
 水裏肅甚嗟賞之勰退謂瑩曰卿定是神口今日若不
 得卿幾為吳子所屈魏書

桓帝英傑魁岸馬不能勝常乘安車駕大牛牛角容一石

帝胃中蠱歐吐之地仍生榆木參合陂上無榆樹故世

人異之魏書

道武生於參合陂北保者以帝體重倍於常見竊獨奇怪

明年有榆生於埋胞之坎後遂成林魏書

元萇性剛毅雖有吉慶事未嘗開口而笑高祖遷都萇以

代尹留鎮因別賜萇酒雖拜飲而顏色不泰高祖曰聞

公一生不笑今方隔山當為朕笑竟不能得高祖曰五

行之氣偏有所不入六合之間亦何事不有左右見者

無不扼腕大笑魏書

太和中廣川王元諧薨有司奏王如薨於代京未審以新

尊從於卑舊為宜卑舊來就新尊詔曰遷洛之人自茲

厥後悉可歸骸卽嶺皆不得就塋恒代其有夫先葬在

北婦今喪在南婦人從夫宜還代葬若欲移父就母亦

得任之其有妻墳於恒代夫死於洛不得以尊就卑欲

移母就父宜亦從之若異葬亦從之若不在葬服身在代喪葬之彼此皆得任之其尸屬恒燕身官京洛去而

之宜亦從所擇

魏書

後魏代都明堂李冲所造三三相重合為九室簷不覆基

房間通街穿鑿處多迄無可取

隋書

太武時大月氏國人商販京師自云能鑄石為五色琉璃

於是採礦山中於京師鑄之既成光澤乃美於西來者

乃詔為行殿容百餘人光色映徹見者莫不驚駭以為

神明所作自此琉璃遂賤人不復珍之

魏書

北嶽恒山君神姓登名僧呼之令人不病北嶽恒山將軍

姓莫名惠存之却百邪

河圖

明嘉靖三年鎮兵戕撫臣張文錦而叛也謀戴代懿王而

弄潢池焉王以死拒之昭王方為世子亦竭力拒叛朝

廷勅諭褒嘉已王薨世子立為王踰數年而叛黨未靖

王福勝復戕鎮臣李瑾以叛王恐擁已微服出城欲自

歸闕下左右諫以擅離信封王曰別嫌明微乃在斯舉

行至上谷韓邦奇方為撫臣留王毋行奏聞上為璽書

慰諭焉福勝等遍求王不得卒以次伏誅難定王乃歸

國若二王者可謂世篤忠貞矣而昭王之忠而智尤足

多也

舊府志

嘉靖十三年代宗人成鏐上言雲中叛卒之變幸獲消弭
 究其釁端實貪酷官吏激成之臣慮天下之禍隱於民
 心異日不獨雲中而已指陳切直萬歷二十四年西夏
 弗寧山陰王俊柵奏詩八章寓規諷之旨代處塞上諸
 宗游經禍亂其言皆憂深思遠有中朝士大夫所不及
 者明史

由吾道榮少好道法與其同類相求晉陽人某大明法術
 乃尋是人為其家庸力無識之者久乃訪知其人道家
 符水禁呪陰陽法數天文藥性無不通解以道榮好尚
 乃悉授之是人謂道榮云我本恒嶽仙人有少罪過為

天官所謫今限滿將歸卿宜送吾至汾水及河值水暴
 長橋壞船渡艱難是人乃以一符投水中流便絕俄頃
 水積將至天是人徐自沙石上渡惟道榮見之北齊書

吳遵世少學易入恒山忽見一老翁謂之云授君開心符
 遵世跪取吞之遂明占候北齊書

明嘉靖間大同一婦分娩後不食不言癡坐井上汲水飲
 之三日盡百桶而鯨吸不已其夫素病驚駭頓絕里人
 以為妖埋之士中僅露其首數日不死適築牆置之牆
 內又不死眾以為神昇至土地祠拜焉官聞而下之獄
 兩目睽睽氣息如生官命以薪爇之未幾王和兒戕帥

之禍作湖海搜奇

後魏道武帝始於平城立太學置五經博士生員千餘人

天興二年增國子太學生員三千人帝問博士李先曰

天下何物最善可以益人神智對曰書籍帝曰書籍凡

有幾何如何可集對曰白書契以來世有滋益以至於

今不可勝計苟人主所好何憂不集帝從之命郡縣大

索書籍送平城文獻通考

于慎行王文端公傳韓淑人嘉靖丙申閏十二月二日生

公夢雲間仙仗擁送玉童下止其室知其貴徵也王文端公

家傳

明宏治辛酉和順縣一糧戶往布政司取通關夜宿廟傍

公寓忽夢隨縣尹至一宮闕金書會議府三字見全省

府州縣正官皆集堂上坐一尊官大同平陽太原三知

府上坐澤潞汾沁遼五知州前席其餘知州知縣以次

列坐俄有符使齋文一通置案眾曰天降山西秋榜至

矣開榜傍一官唱名曰第一名李翰臣大同府學生知

府知縣皆起應曰其人孝友多為人方便至第六名陳

桂和順縣學生知縣應曰其人事繼母能孝至三十四

名縣官應曰其人舉放私債迫死二人命中坐者舉筆

名下一义至四十一名縣官應曰其人不孝且逐其弟

爲人傭中坐又舉筆一義至五十九名縣官應曰其人
 曾姦良家婦中坐者又舉筆一義至六十一名縣官應
 曰其人捏寫詞訟害者凡幾家死者凡幾家中坐又舉
 筆一大義唱名畢中坐者曰衆位可各舉所知凡二十
 五人中坐者擇九人呼寫本者快寫訖上奏糧戶醒而
 默記之次日布政司領通關至盤陀驛遇陳桂報曰公
 今年中第六名矣因述其事及揭榜解元果大同李翰
 臣第六果和順陳桂也餘皆如所夢噫天榜定矣而忽
 有那移不定可不畏哉

山西通志

大同府志卷之三十一終

